



HOOFKANTOOR / HEAD OFFICE:

Westhovenstraat 1

PAARL 7646

Tel.nr. / no. (021) 860 3750

Faks / Fax (021) 860 1134

OKTOBER 2023

AAN ALLE GRAANPRODUSENTE

INNAME VAN GRAAN : 2023/24-SEISOEN

Geagte Produsent

Ten einde Kaap Agri in staat te stel om die graanoes suksesvol te kan inneem, versoek ons u graag om die meegaande skrywe te lees. Ons wil u graag op hoogte hou van die nuutste reëlings ten einde die oestyd so foutloos moontlik saam met u te kan afhandel.

Sterkte en voorspoed met die komende oes!

Groete

PL Coetzee

LOUIS COETZEE

OPERASIONELE BESTUURDER: GRAAN & SAAD

Kaap Agri se Agrimark Grain-divisie wil graag die volgende aspekte aan u kommunikeer:

1. SILOTARIEWE (KORING)

1.1 Seisoen 2023/24:

Die **hanteringskoste** beloop **R62/ton** en word eers einde **Desember 2023** gefaktureer.

Opbergingskoste beloop **R1,28/ton/dag** en word gehef vanaf 19 November 2023 en staak met die oorpasing van die graan na kontrakte of die onttrekking van die graan of tot 15 Mei 2024, welke ookal eerste geskied. Derhalwe moet u oorpasing van privaatopberging na kontrakte, wat reeds gekontrakteerde graan betref, teen 19 November afhandel ten einde dagstookoste te vermy. Fakturering van stookoste sal maandeliks geskied. Met die uitreiking van Safex sertifikate word Safex se opbergingstarief gehef vanaf die datum van uitreiking tot die datum waarop graan versend word. Alle genoemde tariewe sluit BTW uit.

1.2 Ou seisoen 2022/23

Alle oordragvoorrade soos op 1 Oktober 2023 gaan oor op normale dagtariewe van R1,28/ton/dag.

Alle genoemde tariewe sluit BTW uit.

2. KORINGONTVANGSTE

2.1 Gradering en ontvangste van koring

Bepaling van koring se hektolitermassa word op 'n **gesifte monster** gedoen. Verder sal die gradering plaasvind soos beskryf in die Wet op Landbouprodukstandaarde, 1990 (Wet No.119 van 1990) soos aangepas en gewysig tot en met die datum van die nuutste publikasies in die Staatskoerant.

Hier volg die gradering van broodkoring en Klas Ander soos vanaf 1 Oktober 2022:

HEKTOLITER- MASSA (kg/hl)	PROTEÏEN-INHOUD				
	>of =12,5	12,4 - 11,5	11,4 - 10,5	10,4 - 9,5	9,4 - 8,5
>of=76,0	SG	B1	B2	B3	KA
74,0 - 75,9	B3	B3	B3	B3	KA
72,0 - 73,9	KA	KA	KA	KA	KA

Nie geregistreerde chemiese stowwe en residu op/in graan mag groot finansiële implikasies tot gevolg hê indien dit met ander grane in 'n silobuis vermeng word. Indien u vermoed dat chemiese stowwe/residu op/in u graan kan voorkom, moet u asseblief u depotbestuurder hiervan verwittig alvorens die graan in die silo's gelewer word. Kaap Agri behou homself die reg voor om monsters van vragte wat gelewer word, hiervoor te toets.

2.2 Leweringsopdrag

Produsente kan oor veelvoude van koringkontrakte met verskillende kopers beskik. Derhalwe is dit noodsaaklik dat u 'n leweringsopdrag saam met elke vrag aan u silo gee. Leweringsopdragboekies is by silo's beskikbaar. Elke besending koring moet vergesel word van 'n leweringsopdrag.

Indien die vereiste tonnemaat op 'n kontrak gelewer is, sal alle verdere vragte en/of gedeeltes van vragte teen 'n volgende kontrak met die oudste datum aangewend word. Indien aan alle kontrakte se leweringsvereistes voldoen is, sal verdere lewerings outomaties op privaatoopberging gestoor word.

2.3 Graanopbergooreenkoms / Graankoopkontrak

Alle produsente wat graan in die silo's gaan lewer moet 'n **Graanopbergingsooreenkoms** teken. Produsente wat graan aan Kaap Agri gaan verkoop moet 'n **Graankoopkontrak** teken. Kontak vir **Debbie Ebersohn** of **Awie Kriel** of u **naaste silo** in dié verband (sien kontakbesonderhede aangeheg).

2.4 Oordragte/Silosertifikate

Graan wat eers op **privaatoopberging** gelewer word, word in opdrag van die produsent na 'n kontrak of silosertifikate oorgedra. Vorms om die oordragte te magtig kan by u naaste depot of Agrimark Grain se kantoor te Malmesbury voltooi word. Uitreikkoste van elektroniese silosertifikate beloop R4,00 per ton.

2.5 Leweringstye

Amptelike leweringstye is van Maandag tot Saterdag: 07:00 tot 19:00, maar voormelde tye is aanpasbaar na gelang van spesifieke behoeftes van kliënte. Hierdie leweringstye sal van tyd tot tyd per depot per **SMS** of **Whatsapp** aan graanprodusente gekommunikeer word. Ons ontvang graag u koring en sal daarom u leweringsbehoefte so ver moontlik akkommodeer.

2.6 Lewering van Klas Ander en Voer grade

Dit is moontlik dat vragte in die komende seisoen na bogenoemde graad afgradeer moet word weens verskeie faktore. Produsente moet seker maak dat hul drywers weet wat om te doen indien 'n vrag koring afgegradeer word. Indien die drywer nie opdrag het om die vrag te lewer nie, sal die vrag teruggestuur word.

2.7 Ontvangste van diverse produkte

Kaap Agri koop diverse produkte volgens behoefte op 'n voorskot- of vasteprys basis aan. Kontak vir Cobus du Plessis in dié verband (sien kontakbesonderhede aangeheg). **Losmaat opberging** vir dié produkte byvoorbeeld hawer, gars, lupiene en korog, sal weer vanjaar **by sekere** van Kaap Agri se **depots/silo's** gedoen word. Produsente moet hulself vergewis by watter depots die produkte hanteer gaan word. Kontak asseblief vir Debbie Ebersohn (sien kontakbesonderhede

aangeheg) **alvorens** hawer, korog, soetlupiene, voergars of rog gelewer gaan word, anders kan die graan nie op die stelsel ontvang word nie.

2.8 Voertuie en losmaatbakke

Maak asseblief seker dat u voertuie se bakke maklik oop- en toemaak, sodat dit nie vertragings tydens die aflaaiproses meebring nie. Graag wil ons 'n beroep op u doen dat aflaai bakke selfledigend moet wees ten einde die aflaai proses te bespoedig. Uit 'n voedselveiligheids oogpunt wil ons u ook graag versoek om olieklek aan leweringsvoertuie voor oestyd te herstel ten einde kontaminasie van graan tydens die aflaai proses te voorkom.

2.9 Massa-aansuiwering

Koring se massa-aansuiwering is as volg vir die grade SG, B1, B2, B3 en Klas Ander :

% Sifsels, normale vogverliese en onsuierhede	Massa-aansuiwering
0,0 tot 2,0	0,5%
2,1 en hoër	Aanpassing na 1,5%

Koring lewerings met 'n sifselinhoud van meer as 7,5% is aan 'n addisionele skoonmaakkoste onderhewig (sien onderstaande tabel).

Sifselinhoud	Kostes
7,6% tot 10%	Massa aansuiwering + R55/t skoonmaakkoste
10,1% tot 12,5%	Massa aansuiwering + R100/t skoonmaakkoste
12,6% tot 15%	Massa aansuiwering + R125/t skoonmaakkoste

Die meeste silo's beskik oor skoonmakers wat gebruik word om sifsels, tydens die uitlaai proses, uit koring te verwyder. Voormelde is die rede waarom produsente toegelaat word om koring met 'n sifselinhoud van meer as 3% te lewer.

2.10 Nat koring

By die silo te Darling, waar 'n graandroër geïnstalleer is, kan koring met 'n voginhoud van 13,1% tot 16% ontvang word.

Toerusting om graan te deurlug, is in sekere buise te Porterville, Riebeek-Wes, Ruststasie, Malmesbury en Klipheuwel geïnstalleer. Dit is gedoen ten einde koring met 'n voginhoud van tot 15% te ontvang (onderhewig aan kapasiteit beskikbaar).

Produsente moet hulself vergewis van die koste verbonde aan die droging/deurlugting by die onderskeie silo's alvorens koring bo 13% vog gelewer word.

2.11 Silodienstariewe 2023/24

Aangeheg vind die silodienstariewe vir die 2023/24 seisoen.

3 SIFSELVERKOPE BETALING

Die betaling van 'n gedeelte van die sifselverkope sal voortgaan soos gewoonlik.

4 PADVERKEERSWET

Die wysiginge aan die Wetgewing met betrekking tot die Versender en Ontvanger van goedere wat op openbare paaie vervoer word is vanaf 31 Januarie 2015 in werking en is van toepassing op 'n persoon of instansie wat meer as 500mt goedere per maand ontvang of versend wat op 'n openbare pad vervoer word.

Dit sluit die volgende in:

Goedere mag nie gelaai of ontvang word indien die voertuig waarop dit gelaai is, nie volgens die voorskrifte van die Wet gelaai is nie;

Die vervoerkontraakteur moet aan die Ontvanger/Versender van die vrag 'n skriftelike bewys gee van wat die wettige laaimassa (totale vrag en as-kombinasies) van die betrokke voertuig is;

Die Versender moet bewys kan lewer dat hy die nodige stappe geneem het om die voertuig binne die voorskrifte van die Wet te laai.

Die Versender of Ontvanger moet alle redelike stappe neem ten einde die oorlaai van 'n voertuig te verhoed en in die geval van 'n vervolging moet die Versender of Ontvanger bewys kan lewer van stappe wat gevolg is ten einde te verhoed dat 'n voertuig oorlaai word.

5. INLIGTING VIA DIE NUWE AGRIMARK PORTAAL

Kaap Agri het onlangs die **nuwe** "Agrimark Account & Grain Portal" bekend gestel.

www.kaapagri.co.za/sign-on .

Graan en finansiële inligting is nou beide op een platform beskikbaar.

5.1 Registrasie

Registrasie vorms kan by financialservices@kaapagri.co.za of grainportal@kaapagri.co.za aangevra word. Kontak gerus vir Bertie Pretorius (022-482 8165) of Debbie Ebersohn (022-482 8127) indien u hulp hiermee benodig.

5.2 Inligting beskikbaar

5.2.1 Graan Portaal

- Opsomming van produsentelewerings
- Leweringsinligting tot op datum
- Graanvoorraad verslae
- Getekende kontrakte en kontraklewerings tot op datum
- Opbrengs/ha
- Afrekeningstate

5.2.2 Rekening Portaal

- Rekening limiete
- Maandstate
- Aankope inligting
- Fakture en Silokoste faktuur inligting

5.2.3 Graan versoeke

- Versoek vir uitreik van uitlaai instruksies
- Versoek vir die kanselleer van 'n uitlaai Instruksie
- Versoek vir oordrag van voorraad
- Versoek vir uitreik van Silo/ESC sertifikate

6. BETALING VAN GRAAN GEKONTRAKTEER MET KAAP AGRİ

6.1 Betaalreëlings

Alle betalings geskied elektronies en beskikbare fondse word op 'n weeklikse basis betaal. Betalings word vanaf die Malmesbury kantoor gedoen en produsente wat spesiale reëlings wil tref kan vir Bertie Pretorius kontak (sien kontakbesonderhede aangeheg).

Betalings sal eers geskied nadat leweringsverpligtinge ten opsigte van 'n bepaalde kontrak afgehandel is.

6.2 Afwenteling teen Kaap Agri-rekening

Graanlewerings op Kaap Agri kontrakte se opbrengs gaan outomaties teen u Kaap Agri rekeningbalans(e) afwentel. Produsente wat verkies dat hul graanbetalings nie afwentel nie, moet so 'n versoek vroegtydig aan hul onderskeie Kaap Agri finansieringsafdelings rig. Let asseblief daarop dat reëlings wat ten opsigte van vorige seisoene getref is, weer op voormelde grondslag hersien moet word.

7. HEFFINGS

7.1 Vrywillige heffings

- **GSA- Heffing**

Kaap Agri is bereid om Graan SA behulpsaam te wees met die invordering van die heffing. Vorms om die vordering van die bedryfsheffing te magtig, is by Bertie Pretorius of u naaste depot beskikbaar. Produsente wat reeds die vorige jaar skriftelike toestemming vir die vordering van die bedryfsheffing gegee het, hoef nie weer sodanige vorm te onderteken nie.

- **Suid-Afrikaanse Wintergraan-bedryfstrust heffing (SAWCIT)**

'n Alternatiewe trust is in plek van die Wintergraantrust (WCT) gestel nadat die Nasionale Landboubermerkingsraad nie die bedryf se aansoek vir voortsetting van die statutêre heffing wou aanbeveel nie. Belangrike bedryfsfunksies word met die fondse gefinansier. Die Trust staan bekend as die Suid-Afrikaanse Wintergraan-bedryfstrust (SAWCIT).

Die heffings word by die eerste punt van verkope gevorder. U sal voor die aanvang van die oes geleentheid kry om skriftelik aan te dui of u die heffing wil betaal al dan nie.

Koring	R14,50 per metrieke ton <i>(BTW uitgesluit)</i>
Gars	R14,50 per metrieke ton <i>(BTW uitgesluit)</i>
Hawer	R6,00 per metrieke ton <i>(BTW uitgesluit)</i>

Die vrywillige SAWCIT-heffing vervang die statutêre WCT-heffing.

7.2 Statutêre-heffing

- **Teler en tegnologie heffing**

Rolspelers in die bedryf het, deur die Koringforum, die Minister van Landbou, Bosbou en Visserye versoek om 'n addisionele statutêre heffing op koring, gars, hawer en lupiene in te stel met die doel om telers van koring-, gars-, hawer- en lupienkultivars te vergoed vir hulle bydrae tot verkryging en benutting van verbeterde internasionale landbouverwante intellektuele eiendom tot voordeel van die koring- en garsbedryf in Suid Afrika. Die heffings sal van toepassing wees op koring, gars en hawer wat in die Republiek van Suid Afrika geproduseer word. Die heffing beloop R33,00 (BTW uitgesluit) per ton vir koring, gars en hawer en R35,00 (BTW uitgesluit) per ton vir lupiene en word gehef by die eerste punt van verhandeling van die grane.

8. KAAP AGRI GRAANVERHANDELING

Dit bly Kaap Agri se strewende om die produsent se grootste vennoot in die Landbou te wees. Daarom is Kaap Agri aktief by die bemarking van produsente se koring en ander produkte betrokke. Hierdeur wil ons verseker dat ons produsente die beste maandelike prys vir hulle graan kry.

8.1 Kaap Agri se basiese Bemerkingsalternatiewe vir koring

- **Vasteprys vooruitkontrakte**
Kaap Agri bied voor en gedurende oestyd deurlopend koringpryse vir produsente aan. Hierdie pryse is weksdae tussen 09:00 en 12:00 beskikbaar.
- **Minimumprys kontrakte**
Hierdie kontrak waarborg 'n minimumprys vir koring gedurende oestyd gelewer, maar bied terselfdertyd volle deelname aan 'n stygende mark. 'n Kontrak waar produsente steeds in 50% van 'n stygende mark deel, maar waarvan die minimumprys hoër is (as die minimumprys kontrak), is ook beskikbaar.
- **Uitgestelde prysingskontrakte**
Die opsie bied aan die produsent die geleentheid om sy graan na Desember te prys, maar vir geen verdere silokoste aanspreeklik sal wees vanaf die datum van die transaksie nie.
- **Spotpryse**
Kaap Agri bied gedurende en na oestyd deurlopend kontantpryse by sy silo's aan vir koring wat reeds op die produsent se naam gelewer is en nog gelewer moet word. Hierdie pryse is ook weksdae tussen 09:00 en 12:00 beskikbaar.
- **Mandate/Teikenpryse**
Produsente vertrou 'n spesifieke tonnemaat aan Kaap Agri toe om teen 'n voorafbepaalde prys, sou die geleentheid hom voordoen, te verkoop.

Aangesien die bemerkingsomgewing gedurig verander is daar deurlopend alternatiewe verhandelingsopsies beskikbaar. Skakel ons gerus met u bemerkingsbehoefte.

Kaap Agri voorsien op 'n daaglikse basis pryse aan produsente deur middel van 'n Whatsapp. Indien u dit nie ontvang nie, kontak ons asseblief in die verband. 'n Toepassing(App) wat lewendige JSE-kommoditeitspryse verskaf is beskikbaar op "play store"(BVG-mobile).

8.2 Ander grane

Hawer, korog, voergars en soet lupiene sal weer vanjaar aangekoop word. Pryse sal so gou moontlik per SMS of whatsapp beskikbaar gestel word.

9. SAADAANGELEENTHEDE

- 9.1 Dit is belangrik dat produsente saadbestellings (saadbestellys aangeheg) voor 31 Desember 2023 by ons kantoor op Malmesbury plaas of by die saadafdelings te Porterville, Malmesbury, Darling, Ceres en Graafwater. Hierdie reëling vergemaklik beplanning ten opsigte van die voorsiening van saad. Rig alle navrae aan Johan Truter (sien kontakbesonderhede aangeheg). Produsente word vriendelik versoek om hul saadbehoefte noukeurig te bepaal en nie te veel of verkeerde kultivars te bestel nie, aangesien 'n 10% hanteringsfooi gehef sal word op alle saad wat teruggebring word (sien 9.5).
- 9.2 Produsente word versoek om hul saad so vroeg as moontlik af te haal. Saaddebiete sal eers op u **Mei-rekeningstaat verskyn en rente op die saad sal derhalwe eers vanaf Junie 2024 gehef word. Saad van sekere kultivars sal reeds voor einde Februarie 2024 beskikbaar wees.**

- 9.3** Alle saad wat moontlik beskikbaar sal wees word op die aangehegte bylae aangetoon (sien saadkultivar beskikbaarheidslys aangeheg). Produsente wat in kultivars belangstel wat nie hierop verskyn nie, moet asseblief vroegtydig die nodige reëlings tref.
- 9.4** Enige klagtes aangaande die gehalte van saad moet onmiddellik na ontvangs gerapporteer word en nie nadat saad reeds gesaai/-plant is nie.
- 9.5** Beperkte hoeveelhede skoongemaakte saad sal tot **30 Junie 2024** teen saadprys **min 'n hanteringsheffing van 10%** teruggeneem word. Ons wil produsente egter versoek om ongebruikte saad so spoedig moontlik terug te bring, aangesien ander produsente dit mag benodig. Kaap Agri neem egter geen **voergraan**, wat deur die saadafdeling aan u verkoop is, terug nie.
- 9.6** Saad sal by die saadaanlegte op Malmesbury, Darling en Porterville beskikbaar wees. Saadbestellings sal ook by Ceres en Graafwater gelewer word.
- 9.7** Kaap Agri **verwerk produsentesaad** en bestellings kan by Porterville-, Malmesbury- en Darling saadafdeling of Johan Truter geplaas word verkieslik voor 30 Desember 2023.

Die diens behels die volgende:

- Skoonmaak van produsentesaad
- Insekbehandeling
- Swambehandeling
- Afsak (verpakking) van die saad

Die volgende Produkte word verwerk:

- Erte
- Gars
- Hawer
- Koring
- Korog
- Lupiene

U is ook welkom om Johan Truter te kontak insake vervoer/aflewering van saad.

9.8 Saadbron

Dit is belangrik dat u deeglik oor die saadbron en die ouderdom (generasie) van die saad wat gesaai/geplant gaan word, moet besin. Kaap Agri se gesertifiseerde saad word jaarliks deur geselekteerde saadkwekers (moet aan SANSOR voorskrifte voldoen) vermeerder. Die saadbron van hierdie vermeerderings is vroeë generasie materiaal (basissaad) wat elke jaar (al is dit 'n ouer kultivar soos SST015) by saadmaatskappye soos Sensako aangekoop word. Kaap Agri gesertifiseerde saad is dus jong generasie, kultivarsuiwer saad. Kultivareienskappe soos siekteweerstand figureer dus baie sterk in dié saad. Hoe ouer die generasie is (word verkry deur jaar na jaar dieselfde saad oor en oor te plant), hoe minder kan staatgemaak word op kultivarsuiwerheid en –eienskappe soos siekteweerstand. Opbrengsverliese as gevolg van die saai/plant van lae kwaliteit saad kan nie tydens die produksieproses reggemaak word nie. Dit is derhalwe raadsaam om minstens een kultivar per jaar gesertifiseerde saad te saai/plant.

AGRIMARK GRAIN: CONTACT DETAILS				
Details	Contact Person	Telephone	Cellphone	Email
Division Managers				
Operations Manager: Grain & Seed	Louis Coetzee	022 482 8045	071 680 0515	louis.coetzee@kaapagri.co.za
Regional Manager Operations: Commodities	Awie Kriel	022 931 8337	083 286 2506	akriel@kaapagri.co.za
Snr Manager - Grain Trading	Cobus du Plessis	022 482 8035	082 775 4646	cobus.duplessis@kaapagri.co.za
Manager: Business Reporting & Analysis	Alew yn Kitshoff	022 482 8030	079 392 5212	alew.yn.kitshoff@kaapagri.co.za
Grain Depots				
Ceres	Andrew Du Toit	065 820 0282	065 670 5277	andrew.dutoit@kaapagri.co.za
Darling	Louis Erasmus	022 492 2774	082 954 2050	lerasmus@kaapagri.co.za
Eendekuil	Brandon (Klippias) Smit	022 942 1072	076 108 1781	brandon.smit@kaapagri.co.za
Gouda	Andre du Preez	023 232 0132	079 253 3900	andre.dupreez@kaapagri.co.za
Graafwater	Tian Botha	027 422 1002	082 610 4466	tian.botha@kaapagri.co.za
Halfmanskloof	Wimpie Walters	022 931 2796	084 610 9506	wimpie.walters@kaapagri.co.za
Klipheuwel	Charl Marais	021 971 1811	079 536 6375	charl.marais@kaapagri.co.za
	Annette Randall	021 971 1811	083 301 1138	annette.randall@kaapagri.co.za
Landplaas	Marietjie Smit	027 2171367	073 290 8467	marietjie.smit@kaapagri.co.za
Malmesbury	Bouwer Rall	022 482 8149	082 877 4808	bouwer.rall@kaapagri.co.za
	Carina du Plessis	022 482 8148		carina.duplessis@kaapagri.co.za
Doornkuil Bunker	Bouwer Rall	081 474 7229	082 877 4808	bouwer.rall@kaapagri.co.za
Piketberg	JJ Rademan	022 913 1009	084 9960 5172	jj.rademan@kaapagri.co.za
Pools	Leon (Gammat) Davids	022 913 2093	066 267 7689	leon.davids@kaapagri.co.za
Porterville	Charles Williams	022 931 8308	082 571 5005	charles.williams@kaapagri.co.za
Riebeeck Wes	Deward Zeelie	022 461 2338	083 710 9947	deward.zeelie@kaapagri.co.za
Ruststasie	Kobus Duminy	022 482 8199	084 549 2425	kobus.duminy@kaapagri.co.za
Vredenburg	Aubrey Marthinus (Risikobestuur)	022 713 1912	082 716 2388	aubrey.marthinus@kaapagri.co.za
Maintenance				
Malmesbury	Wilhelm van Wyk	022-486 4063	083 210 0615	wilhelm.vanwyk@kaapagri.co.za
Malmesbury	Gerbie van Wyk	022-486 4063	060 950 9217	gerbie.vanwyk@kaapagri.co.za
Administration				
Malmesbury	Bertie Pretorius	022 482 8165	082 323 7926	bertie.pretorius@kaapagri.co.za
Malmesbury	Debbie Ebersohn	022 482 8127	072 549 2483	debbie.ebersohn@kaapagri.co.za
Malmesbury	Elzahn Ontong	022 482 8033	071 862 1522	elzahn.ontong@kaapagri.co.za
Grain Trading				
Malmesbury	Angeline van Zyl	022 482 8032	083 446 6858	angeline.vanzyl@kaapagri.co.za
Malmesbury	Jacobus Brand	022 482 8031	076 732 9706	jacobus.brand@kaapagri.co.za
Porterville	Maretha Kotze	022 931 8347	079 509 3449	maretha.kotze@kaapagri.co.za
Vredenburg	Johan Jacobs (Potato Seed)	022 719 1478	082 314 4114	johan.jacobs@kaapagri.co.za
Seed				
Malmesbury	Johan Truter	022 482 8046	083 303 5328	johan.truter@kaapagri.co.za